

JAVNI KONKURS za prikupljanje ponuda za dodjelu koncesije za projektovanje, izgradnju, korištenje i prijenos MHE „Kolina 4“, MHE „Kolina 5“ i ostalih mogućih minihidroelektrana na slivu rijeke Koline u Federaciji BiH, na području općine Foča-Ustikolina

mp.bpkg.gov.ba/konkursi/416/javni-konkurs-za-prikupljanje-ponuda-za-dodjelu-koncesije-za-projektovanje-izgradnju-koristenje-i-prijenos-mhe-„kolina-4“-mhe-„kolina-5“-i-ostalih-mogucih-minihidroe

JAVNI KONKURS za prikupljanje ponuda za dodjelu koncesije za projektovanje, izgradnju, korištenje i prijenos MHE „Kolina 4“, MHE „Kolina 5“ i ostalih mogućih minihidroelektrana na slivu rijeke Koline u Federaciji BiH, na području općine Foča-Ustikolina

Na osnovu člana 14. Zakona o koncesijama (“Službene novine Bosansko-podrinjskog kantona Goražde”, broj: 5/03), Ministarstvo za privredu Bosansko-podrinjskog kantona Goražde raspisuje:

JAVNI KONKURS za prikupljanje ponuda za dodjelu koncesije za projektovanje, izgradnju, korištenje i prijenos MHE „Kolina 4“, MHE „Kolina 5“ i ostalih mogućih minihidroelektrana na slivu rijeke Koline u Federaciji BiH, na području općine Foča-Ustikolina

Predmet koncesije je projektovanje, izgradnja, korištenje i prijenos MHE „Kolina 4“, MHE „Kolina 5“ i ostalih mogućih minihidroelektrana na rijeci Kolini u Federaciji BiH, na području općine Foča-Ustikolina, kako slijedi:

- MHE “Kolina 4”, rijeka Kolina, općina Foča-Ustikolina
Protočna elektrana derivacionog tipa instalisane snage 519,03 kW
Moguća godišnja proizvodnja 2.363,80 MWh;
- MHE „Kolina 5“, rijeka Kolina, općina Foča-Ustikolina
Protočna elektrana derivacionog tipa instalisane snage 196,30 kW
Moguća godišnja proizvodnja 898,60 MWh;
- Ostale moguće minihidroelektrane u Federaciji BiH na slivu rijeke Koline.

Koncesor je pripremio tendersku dokumentaciju na osnovu Studije « Hidroenergetska osnova pritoka sliva rijeke Drine », urađene od strane JP « Elektroprivreda BiH » Sarajevo, 1984. godine, koja sadrži minimalne podatke o koncesiji i uslove pod kojima se koncesija može dodijeliti.

Koncesionar koji bude odabran kao najpovoljniji ponuđač i sa kojim će Vlada Bosansko-podrinjskog kantona Goražde potpisati koncesioni ugovor, u toku realizacije Idejnog i Glavnog projekta će obavezno vršiti hidrološka mjerenja na predviđenim profilima radi provjere parametara iz Studije.

1. Svaki od ponuđača uz ponudu potrebno je da dostavi Idejno rješenje minihidroelektrane u kojem će biti definisani svi tehnički parametri i data procjena cijene koštanja objekta uz obavezu iskazivanja specifičnih investicija, Studiju o ekonomskoj opravdanosti građenja MHE i Studiju procjene utjecaja na okoliš.
2. Mjesto korištenja koncesije je rijeka Kolina. Preciznija lokacija je određena u tenderskoj dokumentaciji.
3. Koncesija se dodjeljuje na vrijeme od 30 (trideset) godina.
4. Za korištenje koncesije plaćat će se naknade čiji će se iznos, način, postupak i rokovi plaćanja utvrditi Ugovorom o koncesiji, u skladu sa Pravilima o utvrđivanju naknada za koncesije („Službene novine FBiH“, broj: 67/06).
5. Ponuda treba da sadrži:
 - naziv i adresu ponuđača,
 - ovjeren izvod iz sudskog registra, sa dokazom o registraciji predmetne djelatnosti,
 - referenc listu,
 - ovjeren originalni primjerak ponude koji sadrži:
 - a) opciju ponude
 - b) iznos tekuće koncesione naknade
 - c) uslove plaćanja i
 - d) rok valjanosti ponude
 - bankovnu garanciju naplativu na ime davaoca koncesije na iznos od 20.000,00 KM sa rokom važenja 30 (trideset) dana duže od opcije ponude, koja se vraća neuspješnim ponuđačima.
- Ponuđač koji bude odabran kao koncesionar dužan je prilikom potpisivanja ugovora priložiti garanciju za dobro obavljen posao na iznos od 80.000,00 KM na ugovoreni period za realizaciju Projekta
 - drugu dokumentaciju koju ponuđači smatraju bitnom.
6. Utvrđuju se slijedeći kriteriji za odabir najpovoljnijeg ponuđača:
 - a) iznos naknada za korištenje koncesije,
 - b) sredstva koja se namjeravaju uložiti u koncesiju,
 - c) rok za početak i završetak radova,
 - d) uticaj koncesije na razvoj privrede područja na kojem se koncesija treba vršiti,
 - e) podobnost ponuđača u finansijskom, organizacionom i kadrovskom pogledu kao i u pogledu tehničke opremljenosti prije početka korištenja koncesije,
 - f) učešće domaćih privrednih društava, domaće opreme i sirovina koje ponuđač namjerava angažovati odnosno nabaviti za potrebe korištenja koncesije.
7. Korištenje koncesije vršit će se i pod posebnim uslovima koji će se odrediti odlukom o dodjeli koncesije i ugovorom o koncesiji.
8. Pravo učešća na konkursu imaju privredna društva i druga pravna lica registrovana u skladu sa propisima Federacije BiH, Republike Srpske i Brčko Distrikta BiH.

9. Rok za podnošenje pismenih ponuda je 30 (trideset) dana računajući od dana objavljivanja ovog konkursa. Konkurs će biti objavljen u dnevnom listu „Dnevni avaz“ i na web stranici Bosansko-podrinjskog kantona Goražde.

10. Za preuzetu tendersku dokumentaciju plaća se 500,00 KM na depozitni račun Budžeta Kantona broj: 1327310410293154, vrsta prihoda 722 631, općina 033, otvoren kod NLB Tuzlanska banka – filijala Goražde.

Bosansko-podrinjski kanton Goražde ne snosi nikakve troškove bilo kojeg učesnika u postupku javnog nadmetanja koji su nastali prije sklapanja ugovora sa odabranim ponuđačem. Novčana sredstva koja se uplaćuju kao uslov za učestvovanje na javnom konkursu su nepovratna i ne umanjuju se od konačne cijene ponude koja bude odabrana.

11. Zapečaćene ponude dostaviti na adresu Ministarstva za privredu Bosansko-podrinjskog kantona Goražde, ul. M. Tita br. 13, sa naznakom “Ponuda za dodjelu koncesije za izgradnju minihidroelektrana na rijeci Kolini”, NE OTVARAJ! Na zapečaćenoj ponudi mora biti naznačen naziv i adresa ponuđača, podaci o ovlaštenom kontakt licu i njegovom broju telefona.

12. O javnom otvaranju pristiglih ponuda blagovremeno će se obavijestiti svi ponuđači. Postupak otvaranja ponuda izvršit će se i u slučaju ako je po oglasu o javnom konkursu pristigla samo jedna ponuda. Neblagovremene ili nepotpune ponude će se odbaciti.

13. Sve pristigle ponude će procjenjivati konkursna komisija i predložiti najpovoljniju ponudu na osnovu vrednovanja posebnih kriterija.

14. Potrebne informacije mogu se dobiti na telefone 038 228 640 i 038 228 256 – kontakt osobe Omeragić Ismet i Raščić Medžida.

PO OVLAŠTENJU MINISTRA
Sijerčić Rasim, dipl.ing.